

nie einander vereiniget / biß daraus wird ein
 substanz / die man nennet Quecksilber / vnd
 Das ist nun das begin vnd aller erste Mat-
 ria der Metallen / Als auch oben gemeldet
 ist / Darumb redet er abermal in dem 26. Ca-
 pitul da er spricht / die da wollen nachfolgen
 der natur / die sollen nicht nemen Quecksil-
 ber allein / sondern Quecksilber vnd Schwefel
 fel mit einander zuhauffe gefüget / nicht das
 gemeinen Quecksilbers vnd Schwefels /
 sondern dem / den die Natur zuhauff gefü-
 get hat / wol bereitet vnd gekocht / in seiner
 Flüssigkeit in einem solchen Quecksilber / hat
 die Natur mit erster Wirkung angefangen /
 vnd endet in ein Metallische Natur / vnd
 hat darmit sie außgehört / denn sie hat das
 ihre verbracht vnd alles der Kunst gelassen /
 denselben zu vollenden / in einem vollkom-
 menen stam / der Philosophen / in den Worten
 ten ist einem kundbar / das / welcher wil rechts
 faren / in dieser Kunst / als auch alle Philoso-
 phi sagen / der sol anheben / da die Natur hat
 außgehört / vnd sol nemen den schwebel vnd
 Das Quecksilber / denn die Natur in der aber
 reinigsten Form zuhauff gefüget hat / dann
 in dem ist geschehen / die gar geschwinde ver-